

UTUSAN MALAYSIA  
27 OGOS 2011 (SABTU)  
(M/S 4)

# Kaedah senyuman galak bayar hutang

KUALA LUMPUR 26 Ogos - Perbadanan Tabung Pendidikan Tinggi Negara (PTPTN) akan menggunakan 'kaedah senyuman' untuk menggalakkan peminjaman yang disenarai hitam atau disaman menyelesaikan pinjaman mereka.

Pengerusi PTPTN, Datuk Ismail Mohamed Said (gambar) berkata, konsep bersefat mesra itu diperkenalkan untuk memberi peluang kepada pemijaman tampil dan berunding membuat rayuan bagi pembayaran semula.

"Peminjam dan pegawai kami akan bersama berbincang dalam

keadaan mesra berhubung jumlah pembayaran pendahuluan yang mampu dijelaskan oleh peminjam," katanya kepada pemberita ketika

menghadiri program Merdeka Raya PTPTN di Plaza Tol Gombak dan KL Sentral di sini, hari ini.

Dalam program itu, PTPTN mengagihkan 5,000 beg cenderahati yang mengandungi maklumat mengenai Skim Simpanan Pendidikan Nasional (SSPN) dan makanan ringan untuk orang ramai bertuasa.

Tambah Ismail, peminjam se-

terusnya perlu membuat komitmen bayaran secara ansuran yang fleksibel melalui potongan gaji atau arahan tetap bank setelah berunding dengan mereka.

Sementara itu, beliau berkata, seramai 376,466 peminjam yang layak ditawarkan pertukaran kepada pembiayaan ujah masih belum mengemas kini maklumat peribadi mereka.

"Jumlah tersebut adalah 45 peratus daripada 836,409 keseluruhanannya yang layak untuk menikmati caj pentadbiran sebanyak satu peratus itu.

"PTPTN berharap peminjam yang terlibat dapat mengambil peluang keemasan ini bagi menyelesaikan urusan pertukaran sebelum 30 September ini," katanya.

